

Siunnersuummut oqaaseqaatit

## Oqaaseqaatit nalinginnaasut

### 1. Aallarniut

Siunnersuummi utoqqalinersianut tapinut ilanngaataa aamma toqqammaviusumik aningaasartat 100.000 koruuninik annertusineqarnissaat kiisalu appariartortitsinermi procentip annikillisinneqarnissaa siunertaavoq. Utoqqalinermi pensionisiaqartoq nammineq aningaasarsioraluarpalluunniit ilanngaatip annertussusaa utoqqalinersiat annikillineqanngitsutut annertussuseqarpoq. Appariartortitsinermi procenti tassaavoq utoqqalinermi pensionisiat annikillineqarnerini procenti aaqqiissutissaq.

Siunnersuutip kingunerissavaa, utoqqalinermi pensionisiat aamma pensionisiat ilanngunnagit Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu kisimiittoq aatsaat ukiumut 156.000 koruuninik isertitaqaraangat, aappaqartorlu 183.000 koruuninik ukiumut isertitaqaraangat utoqqalinermi pensionisiani pensionisianut tapit aatsaat annikillisinneqartassasut. Tamatuma saniatigut aalajangersakkat kingunerissavaat utoqqalinermi pensionisianut tapeq ilanngaateqalissasoq kisimiittumi isertitat tunngavigineqartut 35 procentiannik, aappariinni isertitat tunngavigineqartut 22 procentiannik. Utoqqalinersiaqartoq inummik utoqqalinersiaqarsinnaatitaanngitsumik aappaqartoq, taakkua isertitaasa tunngavigineqartut 40 procentiannik, aappariillu ukiumut katillugit 200.000 koruunit ataallugit, Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat pensionisiallu pinnagit, isertitaqartarata.

Toqqammaviusumik aningaasartat ilanngaateqassapput, utoqqalinersiat aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat ilanngunnagit, utoqqalinersiaqartumut kisimiittumut aappaqartumullu ukiumut isertitat maanna atuuttut kr. 368.286-iuppata.

### 1.1 Siunnersuutip tunuliaqutai

Utoqqalinermi pensionisiaqarneq pillugu Inatsisartut inatsisaat nr. 20, 23. november 2015-imeersoq 1. januar 2016-imi atuutilerpoq. Aaqqissuusseqqinnermi anguniagaq ilaatigut suliffeqarnermit pensionisianut, pensionisiaqalernissamut aaqqissuusinnermut nammineq akilersukkanut aamma pensionisiaqalereernermi suliffeqarfinnut suli attaveqarnissamut kajumissaarinikkut pitsanngorsaasunik suliniutinik ilaneqarpoq. Siunnersuummi matumani kajumissaarineq taanna patajaallisarniarneqarpoq.


Ullumikkut utoqqalinermi pensionisiat nammineq aningaasarsiat qaffakkiartornerat malillugu annikillineqartarput. Tamanna isumaqarpoq, koruunimik akissarsiaqaraanni akileraaruteqarlunilu ilutigitillugu inuup utoqqalinermi pensionisiai annikillilerneqassapput. Taamaattumik utoqqalinermi pensionisialinnut suliiinnarniartunut imaluunniit utoqqalinissamut sipaagaqarniartunut aningaasatigut iluanaarutaasinnaasoq killeqarsinnaavoq.

Utoqqalinermi pensionisiaqartut suliffeqarfimmiiginnarnissaannut aningaasatigut kajumissaarut qulakkeerniarlugu, siunnersuutikkut ilanngaata annertusineqarpoq, taamaasillunilu utoqqalinersianut tapinut aamma toqqammaviusumik aningaasartanut tunngatillugu nammineq aningaasarsiat qaffakkiartorneranni qanoq ilineratigut annikillisisiartuaarnermi killissaq allanngortillugu. Appariartortitsineq imatut annikillineqassaaq, utoqqalinersiani aningaasartat annertussusaat annikillineqarlutik, ilanngaatit “tamakkiisumik atorneqareernerisigut” aamma annikillissallutik. Taamaasilluni siunnersuut tunngavigalugu utoqqalinermi pensionisiaqartoq nammineq aningaasarsiaqartarnermini utoqqalinermi pensionisiami annertunersai pigiinnarsinnaavai.

## **2. Siunnersuutip immikkoortui pingaarnerit**

Kisimiittumut pensionisiant tapeq siunnersuutip appariartortitsinermi procenti 35 procentimut appartissavaa. Utoqqalinersialinnut aappaqartunut pensionisiant tapeq appariartortitsinermi procenti 22 procentimut appartissavaa. Utoqqalinersiaqartoq inummik utoqqalinersiaqarsinnaatitaanngitsumik aappaqartoq, aappariillu ukiumut katillugit 200.000 koruunit ataallugit, Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat pensionisiallu pinnagit, isertitaqartarpata, appariartortitsinermi procenti 40 procentimut appartissavaa. Tamatuma kingorna toqqammaviusumik aningaasartat ilanngaateqassapput isertitat tunngavigineqartut 40 procentiannik.

Utoqqalinermi pensionisialinnut kisermaanut aamma utoqqalinermi pensionisialinnut aappariinnut ilanngaatip annertussusaa siunnersuummit 100.000 koruunimik annertusineqarpoq, takussutissaq ataaniittoq takuuk. Taamaaliornikkut utoqqalinermi pensionisiat annikillineqartinnagit utoqqalinermi pensionisiallit isertitaqarsinnaanerulerput. Toqqammaviusumik aningaasartanut aamma utoqqalinersianut tapinut utoqqalinersiani aningaasartat taamaaginnassapput.



<b>Inatsisissatut siunnersuutip inatsimmut atuuttumut sanilliunneqarnera</b>	
<i>Oqaasertaliineq atuuttoq</i>	<i>Inatsisissatut siunnersuut</i>
	<b>§ 1</b>  Utoqqalinersiaqarneq pillugu Inatsisartut inatsisaanni nr. 20, 23. november 2015-imeersumi, Inatsisartut Inatsisaatigut nr. 24, 7. december 2015-imeersukkut aamma Inatsisartut inatsisaatigut nr. 6, 2. juni 2017-imeersukkut allanngortinneqartumi imatut allanngortitsisoqassaaq:
<b>§ 5, imm. 2</b> <i>Imm. 2.</i> Utoqqalinersiaqartut utoqqalinersiaqanngitsumik aappaqartut utoqqalinersianut tapeqassapput utoqqalinersialimmut kisimiittumut tunniunneqartumut annertussuseqartumik, utoqqalinersiaqartoq aapparisaatalu isertitaat maanna atuuttut ukiumut katillugit kr. 200.000-t ataallugit isertitaqarpata. Utoqqalinersianut tapeq utoqqalinersiallip	<b>1. § 5, imm. 2,</b> imatut oqaasertalerneqassaaq: ” Utoqqalinersiaqartut inummik utoqqalinersiaqarsinnaatitaanngitsumik aappaqarlutik inuusut, utoqqalinersianut tapisiaqartinneqassapput utoqqalinersialimmut kisimiittumut tunniunneqartut annertoqataannik, utoqqalinersiaqartoq aapparisaalu ukiumut katillugit 200.000 koruunit ataallugit, Inunnut Isumaginninnikkut

<p>aappaatalu isertitaanit toqqammavigineqartunit 53 procentimik appartinneqassaaq kr. 83.000-inik ilanngaaserlugit.</p>	<p>isumannaallisaaneq pillugu Nunat Avannarliit isumaqatigiissutaat malillugu utoqqalinersiat pensionisiallu pinnagit, isertitaqartarata. Utoqqalinersianut tapit utoqqalinersiallip aapparisaatalu isertitaanit toqqammaviusumik aningaasartaat 40 procentimik, kr. 183.000-nik ilanngaaserlugit, annikillisinneqassapput.”</p>
<p><b>§ 9, imm. 2</b> <i>Imm. 2.</i> Toqqammaviusumik aningaasartat ilanngaateqassapput, utoqqalinersiaqartup ukiumut isertitai maanna atuuttut, utoqqalinersiat aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat ilanngunnagit, kr. 221.111 qaangerneqarsimappata.</p>	<p><b>2. § 9, imm. 2,</b> imatut oqaasertalerneqassaaq: “Toqqammaviusumik aningaasartat ilanngaateqassapput, utoqqalinersiaqartup ukiumut isertitai maanna atuuttut, utoqqalinersiat aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat ilanngunnagit, kr. 368.286 qaangerneqarsimappata.”</p>
<p><b>§ 9, imm. 3</b> <i>Imm. 3.</i> Isertitanit toqqammavigineqartunit utoqqalinersiat toqqammaviusumik aningaasartaat 50 procentimik annikillisinneqassapput, tak. imm. 2, kr. 221.111-inik ilanngaaserlugit.</p>	<p><b>3. § 9, imm. 3,</b> imatut oqaasertalerneqassaaq: “Imm. 3. Isertitanit toqqammavigineqartunit utoqqalinersiat toqqammaviusumik aningaasartaat 40 procentimik annikillisinneqassapput, tak. imm. 2, kr. 368.286-inik ilanngaaserlugit.”</p>
<p><b>§ 10, imm. 2, nr. 1</b> 1) Utoqqalinersiaqartumut kisimiittumut kr. 56.000. 2)</p>	<p><b>4. § 10, imm. 2-mi, nr. 1,</b> imatut oqaasertaqassaaq: “1) Utoqqalinersiaqartumut kisimiittumut kr. 156.000.”</p>
<p><b>§ 10, imm. 2, nr. 2</b> 2) Utoqqalinersiaqartumut aappaqartumut kr. 83.000, tak. § 5.</p>	<p><b>5. § 10 imm. 2-mi, nr. 2,</b> imatut oqaasertalerneqassaaq: “2) Utoqqalinersiaqartumut aappaqartumut kr. 183.000, tak. § 5.”</p>
<p><b>§ 10, imm. 3</b> <i>Imm. 3.</i> Utoqqalinersianut tapeq ilanngaateqassaaq isertitat tunngavigineqartut 45 procentiannik , tak. imm. 2, kisimiittumut ilanngaatigalugit kr. 56.000 aamma isertitat tunngavigineqartut 30 procentiannik</p>	<p><b>6. § 10, imm. 3,</b> imatut oqaasertalerneqassaaq: ”Imm. 3. Utoqqalinermi pensionisianut tapeq ilanngaateqassaaq isertitat tunngavigineqartut 35 procentiannik , tak. imm. 2, kisimiittumut ilanngaatigalugit kr. 156.000 aamma isertitat tunngavigineqartut 22 procentiannik</p>

utoqqalinersialimmut aappaqartumut ilanngaatigalugit kr. 83.000, tak. § 5.	utoqqalinersialimmut aappaqartumut ilanngaatigalugit kr. 183.000, tak. § 5."
<b>§ 15, imm. 1, nr. 1</b> 1) Meeqqanik inuusuttunillu ikiorsiisarneq pillugu inatsisartut peqqussutaat malillugu meeraq angerlarsimaffiup avataanut inissinneqarsimappat imaluunniit pisortanit tamakkiisumik pilersorneqarpat,	<b>7. § 15-imi, imm. 1-imi, nr. 1,</b> imatut oqaasertalerneqassaaq: ”1) Meeqqanik inuusuttunillu ikiorsiisarneq pillugu inatsisartut peqqussutaat malillugu imaluunniit Meeqqat tapersorneqarnissaannut Inatsisartut inatsisaat malillugu meeraq angerlarsimaffiup avataanut inissinneqarsimappat imaluunniit pisortanit 100 procentimik pilersorneqarpat,”
	<b>§ 2</b> Inatsisartut inatsisaat ulloq 1. januar 2020-mi atuutilerpoq.

### **3. Pisortanut aningaasaqarnikkut aamma allaffissornikkut kingunerisassai**

Ilanngaatip qaffaavigineqarnerata malitsigisaanit utoqqalinermi pensionisianut aningaasartuutit ukiumut katillugit 21,7 mio. koruuninik amerlissasut Aningaasaqarnermut Naalakkersuisoqarfiup naatsorsorsimavaa. Utoqqalinerlili pensionisianut pisortat aningaasartuutaasa ilaat akileraarutitut pisortat missingersuutaannut uterteqqinneqartassapput. Taamaasilluni ilannaaseereerluni aningaasartuutit 12,6 mio. koruuninut missiliorlugit naatsorsorneqarpat.

### **4. Inuusutissarsiutinik ingerlatsisunut aningaasaqarnikkut aamma allaffissornikkut kingunerisassai**

Siunnersuut inuusutissarsiutinik ingerlatsisunut aningaasatigut allaffissornikkullu toqqaannartumik kinguneqassanngilaq.

### **5. Avatangiisinut, pinngortitamut inuillu peqqissusaannut kingunerisassai**

Siunnersuut avatangiisinut, pinngortitamut imaluunniit innuttaasut peqqissusaannut kinguneqassanngilaq.

### **6. Innuttaasunut kingunerisassat**

Siunnersuutip qulakkiissavaa, utoqqalinermi pensionisiallit amerlanersaasa nammineq aningaasarsiaqartarnermini utoqqalinermi pensionisiamik annertunersaat pigiinnarsinnaagaat. Tamanna utoqqalinermi pensionisiat saniatigut akissarsiorfeqarnissaannut kajumissaataassaaq.

### **7. Kinguneqaatit annertuut allat**

Siunnersuut annertuunik allanik kinguneqartitsissanngilaq.

### **8. Tusarniaaneq**

Siunnersuut piffissami xx. xxx 2019-miit ulloq xx. xxx 2019-mut Naalakkersuisut tusarniaanermi nittartagaanni tamanut saqqummiunneqarsimavoq ugguuna [www.naalakkersuisut.gl](http://www.naalakkersuisut.gl).

Siunnersuut piffissami xx. xxx 2019-miit ulloq xx. xxx 2019-mut tusarniaavigineqartartunit tulliuttuni tusarniaassutigineqarsimavoq:

**Inatsisissatut siunnersuummi aalajangersakkanut  
ataasiakkaanut oqaaseqaatit**

*§ 1-imut*

Nr. 1-6-imut

Siunnersuut § 5-imi, imm. 2-mut, § 10-mi, imm. 2-mi, nr. 1-imut aamma 2-mut aamma § 10-mi, imm. 3-mut oqaaseqaatinik allannguinnigilaq. Taamaattumik Utoqqalinermi pensionisiat pillugit Inatsisartut inatsisaannut nr. 20, 23. november 2015-imeersumut, Inatsisartut Inatsisaatigut nr. 24, 7. december 2015-imeersukkut aamma Inatsisartut inatsisaatigut nr. 6, 2. juni 2017-imeersukkut allanngortinneqartumut oqaaseqaatit suli atuupput. Siunnersuut ilanngaatiq annertussusaanik assinganillu utoqqalinersiani aningaasartat annikillineqarneranut appariartortitsinermi procentiusup annertussusaanik allannguivoq.

Siunnersuummi aalajangersakkatigut kisermaanut ilanngaat 156.000 koruuninut aalajangersarneqarpoq, aamma utoqqalinermi pensionisialinnut aappalinnut ilanngaat 183.000 koruuninut aalajangersarneqarpoq. Tamatuma saniatigut aalajangersakkat kingunerissavaat utoqqalinermi pensionisiantapeq kisimiittumi isertitat tunngavigineqartut 35 procentiannik annikillineqassasut, aappariinni isertitat tunngavigineqartut 22 procentiannik aamma utoqqalinersiaqartoq inummik utoqqalinersiaqarsinnaatitaanngitsumik aappaqartoq, taakkunani isertitat tunngavigineqartut 40 procentiannik, aappariillu ukiumut katillugit 200.000 koruunit ataallugit, Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat pensionisiallu pinnagit, isertitaqartarpata. Toqqammaviusumik aningaasartanut ilanngaat 368.286 koruuninut aalajangersarneqarpoq. Toqqammaviusumik aningaasartat ilanngaateqassapput isertitat tunngavigineqartut 40 procentiannik.

Nr. 7-imut

Aalajangersakkami aalajangersarneqarpoq meeraq pisortanit angerlarsimaffiup avataanut inissinneqarsimappat meeqqamut tapeq atorunnaartoq. Meeqqanut inuusuttunullu ikiorsiisarneq pillugu Inatsisartut peqqussutaat Meeqqat tapersorsorneqarnissaannut Inatsisartut inatsisaata nr. 20, 26. juni 2017-imeersup ulloq 1. juli 2017-imi atuutilerneratigut atorunnaarsinneqarmat, meeqqat Inatsisartut inatsisaata atuutilernerata kingorna angerlarsimaffiup avataanut inissinneqartut Inatsisartut inatsisaanni nutaami piginnaatitsissut atorlugu inissinneqartassapput. Taamaakkaluartorli meeqqanut inuusuttunullu ikiorsiisarneq pillugu Inatsisartut peqqussutaat malillugu meeraqartussaammat inissinneqarsimasunik aalajangersakkami inatsisit marluutillugit eqqaaneqarput.

*§ 2-mut*

Siunnersuutigineqarpoq siunnersuut 1. januar 2020 atulersinneqassasoq.